

# Zudasi

Īsazei'wa norĩ ma, Zudasi te te ĩrob'ui'ééré

## Ībaihã wasu'uzé

Ā ĩbaihã na rob'ui'ééré hã Zudasi hã ma tô âma rob'ui'ééré. Āté tô õ hã Zezusihi no, Marcusi te te ĩwasu'u hã Marcusi 6.3 âma hã. Zezusihi zazei'wa norĩ ma, ma tô â hã tinhimi'ui'ééré hã time, roti senai'õ na rowasu'u'wa norĩ da, hãimana nhimiza'rese 're hãimana za'ra mono da.

Zudasi hã ma tô sima wẽ, tinhimi'ui'ééré na ĩsazei'wa norĩ hã te te 're pawaptob za'ra mono da, 'Re ĩhãimana u'âsi mono nhimipawaptobzém na hãimana nhiptete sina 're nomro mono da. Ma tô duré tãma roti za'ra, 'Re ĩhãimana u'âsi mono zadawa wasu'u hã te te dawi 're ĩ'udã za'ra mono norĩ hã te te 're wãpari za'ra mono tã da, 'Re ĩhãimana u'âsi mono za te te 're ĩhã za'ra mono norĩ hã.

---

**1** <sup>1</sup> Wa hã Zudasi, Zezu Cristuhu ma romhuri'wa, duré Ti'aduhu no, wa aima âma rob'ui'ééré za'ra wa'wa. 'Re ĩhãimana u'âsi mono hã ma tô te te 're aipisutu za'ra wa'wa, ĩsib'a'uwẽ oto 're aihãimana za'ra wa'aba mono da. Taha wa, tãma asawi pese za'ra wa'aba di, Wamama ma hã. Duré Zezu Cristu hã te te 're ai'madãã pese za'ra wa'aba mono di oto.

<sup>2</sup> Wa hã wa ai'ãma 're ĩmreme u'âsi za'ra wa'wa, 'Re ĩhãimana u'âsi mono ma, da'ãma 're ĩpẽ'ézé mono zé hã aima 're hãimana u'âsi za'ra wa'aba mono da, sa'ětẽ na, duré rowẽ hã te te aima 're pisutu za'ra wa'aba mono da. Wa te te tiwi 're rowaptẽrẽ u'âsi duré, ĩsimizawizé hã ai'ãma 're hãimana u'âsi za'ra wa'aba mono da.

**'Re ĩhãimana u'âsi mono nhimiroti upana, ĩsazei'wa norĩ ma, rowasu'u nhipese'wa norĩ wasu'u**

*2 Pedru 2.1-22*

<sup>3</sup> ĩsisãnawã norĩ, ĩma asawi pese za'ra wa'aba norĩ hã, wa tô aré ĩsima rosa'rata, 'Re ĩhãimana u'âsi mono te te 're ĩwa'anho'reptui mono zém na te aima rob'ui'ééré za'ra wa'aba da. Tane nherẽ, marĩ ĩwasétére hã ai'ãma 're hãimana za'ra wa'aba mono wa, wa tô ĩnhimirosa'rata na ĩsima âma saprĩ, taha na si te âma aima rob'ui'ééré za'ra wa'aba da. Wa norĩ hã 'Re ĩhãimana u'âsi mono nhib'a'uwẽ, wa oto 're wahãimana za'ra. Ta hã ma tô misi haré te te

wama 're anhomri, Cristuhu wasu'uwẽ na roti hã ãma 're ïwanomro mono zéb da hã. Taha wa, wa oto aima ãma rob'ui'ére za'ra wa'wa, taha na si dama 're asiwasu'u nhiptete za'ra wa'aba mono da. <sup>4</sup> E marĩ wa. Ni'wam norĩ hã, 'Re ïhâimana u'âsi mono nhimiroti wẽ'õ'wa norĩ hã te aiwazari 're hâimana za'ra wa'wa. Sõ'awi te te 're rowahutu za'ra mono nherẽ, te ta norĩ hã roti na te te aiwi ãma 're upa za'ra wa'wa. Taha wa, ïsimiroti za'ra hã tô sena newa, te asiré ïsazei'wa norĩ hã 're ïwapari za'ra wa'aba mo. Duré õ norĩ hã aibã ïwasété norĩ hã 'Re ïhâimana u'âsi mono hã te te siwi 're wazé mono õ di. Duré Wanhíb'apito Zezu Cristu hã misi uptabi 're ïhâimana mono hã ma tô te te siwi 're wẽ'õ za'ra. 'Re ïhâimana u'âsi mono nhimiroti hã te te duré 're 'madâ'â pese za'ra mono õ di. Aimawi na si te te dama 're rowasu'u za'ra. ãne ïsimiroti za'ra hã: “Re ïhâimana u'âsi mono hã te te 're da'azawi pese uptabi mono wa, te dawasédé hã te te dama 're apari. Taha wa, da te 're saze za'ra mono nherẽ, tane nherẽ, te za da te dasima 're ïwẽ za'ra mono zéb uwaibaba, 're danomro wasété, 'Re ïhâimana u'âsi mono nhimihâzém na dasina 're dapahi za'ra mono ãna.” ãne ïsimiroti wasété za'ra hã, dama. Duréihã 'Re ïhâimana u'âsi mono hã ma tô ta norĩ ãma waihu'u siro ïbaihã na hã, 're ïnomro wasété mono norĩ ãma, te te 're ïwẽ'õ pese za'ra mono zém na, za te te 're ïhã za'ra mono zém na hã.

<sup>5</sup> Wa za oto ãma aipo're pu'u za'ra wa'wa, waihu'u pese za'ra wa'aba nherẽ. Duréihã Wanhíb'apito hã ma tô Izarazéhé nhihudu norĩ sõ'reptu za'ra. Ezitu hawi ma tô sani za'ra. Tawamhã te te sõ'reptu za'ra nherẽ, ni'wam norĩ hã te te sina 're ï'umnhasi za'ra mono õ norĩ hã ma tô uprosi. <sup>6</sup> Tane duré, hâiwa ãma 'Re ïhâimana u'âsi mono ma romhuri'wa norĩ hã, ïsipizari za'ra norĩ ãma, wa za duré ãma aipo're pu'u za'ra wa'wa. Ta norĩ hã ma tô 'Re ïhâimana u'âsi mono hã pisutu za'ra aré, ïsadawa para te te tãma 're romhuri za'ra mono da, pire na. Tane nherẽ, ma tô hâiwa ãma romhuri na te te tiwi ãma 're upa za'ra. Tiwasété na 're ïnomro mono zéb zô si, ma tô rême za'ra oto, 're ïhâimana za'ra mono zé hã. Taha wa, ma tô oto 'Re ïhâimana u'âsi mono hã satõrĩ za'ra, robra si 're ïsa'wari mono u, tame pawasisi ré 're simasab u'âsi mono da. 'Re ïhâimana u'âsi mono hã ropsi'utõrízéb u za te te da'ãma ïrowairébézéb u, te za tame 're hâimana u'âsi za'ra. Tawapsi te za oto wẽ'õ pese za'ra. <sup>7</sup> Ma'ãpé duré, ãma asipo're pu'u za'ra wa'aba, duréihã Sodoma na 'ri nho'õmo nhisi ãma 're ïdahâimana wasété za'ra mono norĩ ãma, duré Domora na 'ri nho'õmo nhisi ãma 're ïdahâimana wasété za'ra mono norĩ ãma, duré ïrata 'ri wa'õtõ mono bâ 're ïdahâimana wasété za'ra mono norĩ ãma hã. Tame ma tô uburé dahâimana wasété uptabi na 're dahâimana za'ra, dasiwazari. Dahâiba na ma

tô dasina 're danhipsaihuri za'ra. Duré aibâ nherẽ, ma tô aibâ si'uiwa na dasina 're dawasété za'ra. Hâiwa âma aré te te 're ïromhuri za'ra mono norĩ hã, 'Re ïhâimana u'âsi mono hã te te 're ïwapari za'ra mono õ ne, da te 're wapari za'ra mono õ di. Taha wa, ma tô unhama ro'o na dama rob'manharĩ za'ra, 'Re ïhâimana u'âsi mono hã, da te 're robzépata u'âsi za'ra mono da, unhama ro'o u'âsi âma. Taha na te za âma 're dasipo're pu'u u'âsi za'ra, ta norĩ zarina oto âma 're danomro wasété tõ mono da.

**8-9** Duréihã 're ïdawasété za'ra mono ne, te âhãna hã aibâ norĩ hã 're hâimana wasété za'ra, roti tô senai'õ na te te aima 're ïroti za'ra wa'aba mono norĩ hã. Ta norĩ hã sõtõ 'rowim ne sõtõ 'rowib õ nherẽ, marĩ ïwasétére hã te te 're ïmadâ'â za'ra mono zéb zarina, te tihâiba na 're siwasété za'ra. 'Re ïhâimana u'âsi mono nhimiroti hã ma tô duré te te siwi 're wẽ'õ za'ra. Hâiwa âma 'Re ïhâimana u'âsi mono ma, romhuri'wa norĩ âma, te duré te te 're wasété za'ra, ta norĩ hã. Tanei õ di, Midé hã hâiwa âma romhuri'wa norĩ ma ïpire za'ra hã. Ta hã duréihã ma tô Mozésihi hâiba hã sawi Wa'uburé wi, te te âri tõ da. Tawamhã, Midé hã aré sada sahi nherẽ, ïwasédé hã te te âma hiri õ di, te te âma ïwasété na hã. Æne si ma tô tâma waihu'u, Wa'uburé ma: “Wanhib'apito si te za sa'ëtẽ aima tinha.” Ô hã Wa'uburé hã aré dama pire na hâiwa âma romhuri'wa na 're hâimana mono wa, te te âma wasété õ di, Midé hã. Tane nherẽ, te ta norĩ hã hâiwa âma 'Re ïhâimana u'âsi mono ma romhuri'wa norĩ âma, te te 're wasété za'ra, aibâ ïwasété norĩ hã. **10** Tane nherẽ, te aibâ ïwasété norĩ hã rosa'rada hã uburé tâma ïwaihu'u za'ra õ ma, nharĩ wasété za'ra. Robzari norĩ hã rosa'rata âna siwa'ru 're ïhâimana za'ra mono ne, te ta norĩ hã 're hâimana za'ra, simirosa'rata 'wa'rutu na. Taha zarina te za ai'utõ. **11** Ta norĩ ma, tâma ropipa uptabi za'ra di za, duréihã Ca'ĩ, 're ïhâimana wasété mono zém ne, 're hâimana za'ra mono wa. Duré Bara'ã hã rob'uiprazéb zõ 're ïmorĩ wasété ne, te te 're rob'ruiwapari za'ra mono wa, tâma 're ropipa uptabi za'ra mono di za. Duréihã Cora hã ma tô ti'madâ'â'wa hã wẽ'õ, 'Re ïhâimana u'âsi mono nhimipisutu nherẽ. Tane te duré aibâ ïwasété norĩ hã ïsazei'wa norĩ 'madâ'â'wa norĩ nhimiroti hã te te 're wẽ'õ pese za'ra, 'Re ïhâimana u'âsi mono nhimipisutu nherẽ. Taha wa, Cora ïsi'utõrĩ ne te za duré ai'utõ, aibâ ïwasété norĩ hã. **12** A norĩ wa'wa hã te asiré ïsazei'wa norĩ me 're asisawi za'ra wa'aba mono sina, asa hã asima 're ïmanharĩ za'ra wa'aba mo, simisutu. Tane nherẽ, te ïwasété norĩ hã atẽme 're sihutu 'wa, asa hã asima 're 'manharĩ za'ra wa'aba mono ré. Siséb õ zarina te ta norĩ hã te te aiwi 're ro'wa'rutu za'ra wa'wa, siwa'ru. A norĩ wa'wa hã zazahã ïhâirã ne te 're aihâimana wẽ za'ra wa'aba mo, ïwẽ na si. Tane nherẽ, ta norĩ hã zazahã ïhâirã, da te 're ïhâ'uptob za'ra mono ne, te

're hâimana wasété za'ra, sima si te te 're rosa'rata wasété za'ra mono wa. Ta norĩ hã hâiwa nhirõno hã, tã ìhawi 're ta'a za'ra mono ãna, rowa'u te te 're ìmapraba za'ra mono ne, marĩ ìwẽ hã te te 're 'manharĩ za'ra mono õ di. Duré rob'rã, 're ìrã prédu mono zéb u, wede hã 'rã ãna 're ìsimasa mono ne, duré da te oto 're sariza'o'o za'ra mono wa, 're ìré pese za'ra mono ne, marĩ ìwẽ hã te te 're 'manharĩ za'ra mono õ di, ta norĩ hã. **13** Â sisasi hã 're ìsibzaihã za'ra mono ne, te ta norĩ hã tãma 're rowẽ za'ra mono da newa, hâiwi si 're nomro, 're wa'utu za'ra mono ãna. Duré â nhibzaihã zaipro ìwasédé, supara 'ré u te te 're ìsãmra mono ne, te marĩ ìwasété si te te 're 'manharĩ za'ra, ta norĩ hã. Wasi hã siwa'ru 're ìnomro mono ne, te duré ta norĩ hã siwa'ru 're hâimana za'ra, te te 're rob uptabi za'ra mono ãna. Ta norĩ ãma ma tô 'Re ìhâimana u'âsi mono hã sima ãma roti sirõmo za'ra, za te te ìhã za'ra zém na hã. Robra si 're ìsa'wari mono zéb u te za satõrĩ za'ra, robra u'âsi u, ìwa 're hâimana u'âsi za'ra mono da, tame.

**14** Duréihã Enoti hã te 're hâimana, Adãhã 'ra nhihudu hã. Ta hã ma tô romhã ré da'ãma waihu'u siro, 're ìdahâimana wasété za'ra mono norĩ ãma hã. ãne ma tô da'ãma waihu'u siro:

“Ma'ãpé waihu'u za'ra wa'aba. Wanhib'apito te za wei mo. Tãma ìromhuri'wa norĩ hã ahã uptabi na te za we ìsiré ai'aba'ré. **15** Tawamhã te za oto da'awaihu'u, 're ìdahâimana wasété za'ra mono na, duré 're ìdahâimana wẽ za'ra mono na zama. Taha zarina te za oto da'ãma arowairébé. Tamep si te za oto 're ìhâimana wasété za'ra mono norĩ hã awẽ'õ pese. Uburé marĩ ìwasédé hã te te 're 'manharĩ za'ra mono wa, te za awẽ'õ pese, duré mreme wasété na 'Re ìhâimana u'âsi mono ãma te te 're wasété za'ra mono wa.”

ãne ma tô Enoti hã romhã ré da'ãma waihu'u siro, tame aiwazari wa'aba aibã norĩ hã 're ìhâimana wasété za'ra mono norĩ ãma zama.

**16** Ta norĩ hã te 're siwapsari u'âsi za'ra, soto wasété na. Si'upana si te duré ta norĩ hã dawasédé hã te te da'ãma 're sa'ra, 're danomro wẽ mono nherẽ. Si'uihã na marĩ hã te te sima 're ìwẽ za'ra mono zéb uwaibaba si, te te 're 'manharĩ za'ra, ìwasétére hã. 'Rãwi te ta norĩ hã sina 're wata u'âsi za'ra, tiwẽ na. Te duré taré dawẽ te te da'ãma 're sa'ra za'ra, ìwa'rãmi marĩ ìwẽ hã da te tãma 're sõmri za'ra mono da.

**Zudasi hã, ìsazei'wa norĩ hã siptete sina ãma 're nomro mono da, te te tãma ìroti za'ra zé wasu'u**

**17** Ìsisãnawã norĩ, ta norĩ nhimiroti wasu'u wasédé hã 're wapari za'ra wa'aba mono õ di za. Wanhib'apito Zezu Cristuhu zadawa wasu'u'wa norĩ nhimirowasu'u na si te za 're asipo're pu'u u'âsi za'ra wa'aba mo. **18** ãne ma tô ta norĩ hã wama waihu'u sirõmo za'ra:

“Nimahã na ãropsi'utõrĩzéb u hã aibã norĩ hã te za dawazari 're hãimana za'ra, ãwasété norĩ hã. 'Re ãhãimana u'ãsi mono hã te te siwi 're wazé mono õ di za. Te za duré aĩãma 're wa'ẽ za'ra wa'wa. Si'uihã na marĩ hã te te sima 're ãwē za'ra mono zéb uwaibaba si, te za te te 're 'manharĩ za'ra, ãwasétére hã.” ãne ma tõ wama waihu'u sirõmo za'ra, Zezu Cristuhu zadawa wasu'u'wa norĩ hã. <sup>19</sup> Aibã ãwasété norĩ hã te ãsazei'wa norĩ wi tinhimirowasu'u wasété na te te 're ro'wa'rutu za'ra, ãsazei'wa norĩ hã siré 're si'rã'õtõ u'ãsi mono nherẽ, siwi 're siwanhizari za'ra mono da, ta hawi. 'Re ãdahãimana wasété za'ra mono norĩ nhimirosa'rata zarina si te ta norĩ hã te te 're rosa'rata za'ra. 'Re ãhãimana u'ãsi mono p'ẽzani hã ta norĩ p'ẽ 're, 're hãimana za'ra mono õ di. <sup>20</sup> ãsisãnawã norĩ, tane nherẽ, te za ãma 're asipawaptob u'ãsi za'ra wa'aba mo, Wanhib'apito wasu'uwẽ na 're ãsaze za'ra wa'aba mono zém na, aihãimana préduub sina asima 're sa'ëtē u'ãsi za'ra wa'aba mono da. Duré 'Re ãhãimana u'ãsi mono ma, 're aimreme zusi aba mono wamhã, ãp'ẽzani te te aima 're ãwaihu'u za'ra wa'aba mono zém na si, te za tãma 're aimreme zusi aba mo. <sup>21</sup> 'Re ãhãimana u'ãsi mono nhimiroti zarina si, te za 're aihãimana u'ãsi za'ra wa'aba mo, ãsimizawi pese zém hawi asina tiwi 're aipahã za'ra wa'aba mono tõ da. Duré Wanhib'apito Zezu Cristuhu nhimizawi pese na dama 're ãsõpru mono zéb zõ, te za asina 're asimipari u'ãsi za'ra wa'aba mo, 'Re ãhãimana u'ãsi mono 'rata 're aihãimana u'ãsi za'ra wa'aba mono zéb da hã, te te aima ãsõmri za'ra wa'aba zõ.

<sup>22</sup> ãne wa za duré aima waihu'u za'ra wa'wa. Ni'wam norĩ hã Wanhib'apito zadawa wasu'uwẽ hã te te 're saze za'ra mono nherẽ, ãma 're ãsiwawã za'ra mono norĩ ãma, te za ãma 're aip'ẽzē za'ra wa'aba mo, Wanhib'apito wasu'uwẽ na apã 're p'ẽ nhimi'wara mono da. <sup>23</sup> Duré, unhama u aré 're darere'e mono wa, da te 're ãdanho'reptu za'ra mono ne, te za ni'wam norĩ hã 're ãpawaptob za'ra wa'aba mo, Zezusi te te 're saze za'ra mono da, ropipa u 're sisisi tõ mono da. Duré ni'wam norĩ hã, wasété uptabi na 're ãhãimana za'ra mono norĩ hã ta norĩ ãma zama te za duré 're aip'ẽzē za'ra wa'aba mo. ãma 're aip'ẽzē za'ra wa'aba mono nherẽ, te za ta norĩ wi 're asi'madãhã pese za'ra wa'aba mo, tihãimana wasété zéb u te te 're aipizari za'ra wa'aba mono tõ da, sitēme. Da'uzã hã hã wē nherẽ, da te dasiwi 're hã uptob za'ra mono wa, da te 're ãw'ẽõ pese za'ra mono ne, tihãimana wasété zém na 're ãsi'uptob za'ra mono zép si te za asiwi 're ãw'ẽõ pese za'ra wa'aba mo.

### **Zudasi hã, 'Re ãhãimana u'ãsi mono ãma ãwatazé wasu'u**

<sup>24-25</sup> 'Re ãhãimana u'ãsi mono ãma si 're wawata u'ãsi za'ra wa'aba mono za. Taha si uburé Danhib'apito hã te 're hãimana, Wa'anho'reptui'wa

hã. Wanhîb'apito Zezu Cristu we te te wazada ãsômrižém na ma tô te te 're wa'anho'reptu, wazada ãdâ'âžém na. Ta hã wẽ uptabi di. Wẽ uptabi wa, uburé wa te 're wazéb u'âsi za'ra wa'aba mono za. Waihu'u pese uptabi di duré. Danhipai u dama pire uptabi di, ôhõ si. ãne 'Re ãhâimana u'âsi mono hã, marĩ õ ré 're ãhâimana mono zé hã, duré ãhãna hã. Ône u'â te 're hâimana u'âsi, tiwaihu'u pese uptabi na. Taha wa, ãma 're wawata u'âsi za'ra wa'aba mono za.

Taha ma, uburé marĩ hã tâma waihu'u pese di, te te 're aipawaptob za'ra wa'aba mono zéb da hã, 're rême za'ra wa'aba mono tõe da, aiwasété u 're aipizari za'ra wa'aba mono tõe da. Te za duré sitême aiwaibui wa'wa, aiwasété ãna ãsõ'a 're aihâimana u'âsi za'ra wa'aba mono da, duré ato sina ãrata 're anomro u'âsi aba mono da, rowẽ ãma. Tane tô.